

若菴集

詩餘

第三冊

四十年前海內以詞名家者指屈可數其時皆取  
塗北宋以少游美成爲宗迨山中白雲詞晚出人  
間長短句爲之一變又皆掃除穠豔問津詞晚出人姜史時  
賢輩出競尚詩餘浙西則有六家頗爲清拔而陽  
羨陳其年於此道獨優迦陵集行遂傳衣鉢由是  
而宋末一派幾徧東南矣夫宋人之於詞固風會  
使然天授之技也於詩自一二大家外多不免於  
見拙於詞卽微而不甚著者亦足以見長雖南北  
體製稍有不同而後因於前其爲工妙絕倫則一  
昔人之評古詩十九首也曰驚魂動魄一字千金

維詞亦復如之寧有古今高下之判哉若菴稱詞於廣陵久嘗醉心迦陵不諱其所自故能吐棄凡近標舉清新覺他人之於陳髯直遺其真而得其膚耳廣陵舊有吳吳興菌次汪比部蛟門同時與雲間曹顧菴學士山左宋荔裳觀察王西樵司勳以詞相倡和是時攻詞者雖未盛而諸公之名則甚彰今得若庵深嗜之於以希踪前輩追響吳汪當不患此風之弗繼所可惜者今之詞但徵才筆不入歌喉誠得一嫻於音律解事慧心之人與之講求其委曲選聲按拍取新詞而被之管絃復還

宋人之舊勝今吳下所歌之曲萬萬矣予中年內外雅好此近則衰退不可以為讀若菴詞既為之擊節而於此一事猶不能無厚望焉若庵其有同心乎丁酉日長至瀘州同學先著

Blank columns with faint bleed-through text from the reverse side of the page.

若菴集第三卷目錄

詩餘

減字木蘭花

冬夜聚飲枇杷書屋

鳳凰臺上憶吹簫


送觀白之楚

疎影

和曹銀臺舊江月下聞蟬原韻

齊天樂

再過秦淮



蝶戀花

自題擁書圖小照

漁家傲

題鬪碁圖應樵雲索

賀新涼

送吳疎林歸里用迦陵詞韻

釵頭鳳

秋閨

金菊對芙蓉

重九日雨

水調歌頭

曹文尹自故里來揚

聲聲慢

和漱玉詞

滿庭芳

吳門喜晤張定侯表兄同舟赴揚欣然作

此

中興樂

夏閨用迦陵詞韻

清平樂

江上作

長途屢經風雨作此自嘲

城頭月

壽春道中喜晴

憶江南

客有問余揚州風景者因以答之

浪淘沙

童子刻西瓜作燈因戲題之

河傳

客固陵送春

南鄉子

秋閨

蝶戀花

戲題鍾馗嫁妹圖

下水船

次曹銀臺雨中憶巴園竹韻

惜紅衣

次曹銀臺東渚荷花韻

滿江紅

題曹母朱孺人孝德冊

題家穎菴兄褒貞集

題吳學先隴歸行樂圖

自題蒲團揮麈圖小照

念奴嬌

六月十五夜集家叔父園亭聽劉蔣諸生

絃管

沁園春

紅橋秋泛卽席酬宋奕長

秋夜聽客話隋唐遺事

寄懷姑丈吳伊垣太史

題柘源業師倚玉閣

醉後題雉皋女史羅帕

金縷曲

題方南畝蓮花五峰研山

紙虎

次曹銀臺天池柳下待雨韻

摸魚子

閏七小盡西軒夜集和何衢韻

漁灣餞送曹銀臺步留別原韻

南鄉子

為趙念昔題畫扇時趙將歸長沙

減字木蘭花

為家澤弓題照

虞美人

題紅橋載酒圖送唐聽翁入都

菩薩蠻

虎丘

蝶戀花

題偕柳兄擁書小照

壺中天

秋夜招念昔鈍予名友天綺秋屏自衡斯

皇滋衡集飲雙梧閣下步秋屏韻

賀新涼

送表弟吳景穆之大同省親

送顛道人歸牛首用迦陵詞韻

六月二十日姬人柏氏物故悲鬱無聊因

詣天寧杏園與唐聽翁劇談聽翁亦有

慘色其妾朱君恰於去歲此日云亡所

生年月與柏不爽亦事理之特奇者也

拭涕填詞卽示聽翁用迦陵詞韻



滿江紅

東軒落成傷余  
訥菴伯父之不及見也

詞以誌痛兼勉禾書從弟

題楊安城先生補臂圖

五人墓

珍珠簾

題聽翁帶花詞

謝聽翁見贈箋扇兼送北行再用前韻

念奴嬌

送吳作山遊黃山

金縷曲

金陵懷古

蝶戀花

贈吳秋屏

滿江紅

送巴桐友表兄之蓼城

青玉案

四月三日顧種紙邀集平山送春因雨不

果余亦以事阻淮陰未赴歸和其韻

桂殿秋

為荆門方止山題折桂圖

浪淘沙

為衡三題扇面江景

淒涼犯

六月二十日聽翁伏枕感悼填詞淒楚余

與之有同憾也倚聲和之

清平樂

題德清蔡雙瞻孝廉歸耕圖

浣溪沙

題雙魚畫扇應念昔索

滿江紅

題姚後陶先生比丘遺照即用其原題聽

翁帶花行者圖韻

綺羅香

賀白沙村納姬吳門和聽翁韻

沁園春

題宣城佟青士太守南樓圖卷

留春令

阻雨野泊

玉人歌

西湖清漣寺池中五色魚凡千頭內一種  
翠藍者最可愛次竹垞詞原韻

清平樂

連朝苦遭風雨至京口渡江作

踏莎行

阻風吳門

滿江紅

岳忠武王墓

蘇幕遮

汗衫

踏莎行

蒲鞵

似娘兒

竹夫人

解佩令

篔簹

東風齊著力

葵扇

高陽臺

藤枕

暗香

葛巾

秋霽

東坡帚

滿江紅

雙村席上贈陳生用迦陵為陳郎書扇頭

韻

踏莎行

荷葉

拍闌干

前題

沁園春

送唐聽翁歸毘陵

賣花聲

送春

虞美人

閨情

醉花陰

前題

踏莎行

冬閨

秦樓月

春暮

醉春風

豔情

賣花聲

憶舊

清平樂

題汪木餅水村小照和蠲齋韻

鵲踏花翻

午日觀劇同海樵禾弟賦

百花時

茉莉

氏州第一

憎蚊

蚊對

庭院深深

賦得輕羅小扇撲流螢

菩薩蠻

新月

南鄉子

自題白團扇

金縷曲

秦淮漁唱

摸魚子

過韓園舊址

佳人醉

本意

玉漏遲

自鳴鐘

珍珠簾

王蘧莊妹丈招集篠園余以事不克赴

滿庭芳

病中苦雨賦答海樵用原韻

小重山

秋閨

唐多令

瓶中早桂

鳳凰臺上憶吹簫

秋曉

憶餘杭

和禾書從弟題畫虎阜景冊三幀原韻

一萼紅

雲陽舟中為張衡三題夢香圖行樂卷子

念奴嬌

鶴和堂賞西府海棠用泚江小阮韻

城頭月

送高崢之楚用泚江原韻

虞美人

舟過吳閶

賀新涼

登吳山

摸魚兒

偕表兄定侯內兄孚吉及平階楚懷兩壻

重泛西湖

西江月

醉登燕子磯作

揚州慢

送張權與表姪歸里用從弟禾書原韻

喝火令

江聖友同客吳陵治酒招遊俞氏舊園亭

定風波

葉氏水閣重逢徐校書

摘紅英

吳趨坊下紀所見

若菴集卷第三

詩餘

減字木蘭花

冬夜聚飲枇杷書屋

江南

程庭

且碩

江城木落寒煙一抹偏蕭索。雁影蒼涼。界破長天。字兩行。枇杷花下燒燈共作西窗話。解意奚童。滿酌松醪不放空。

繞牀擲帽可識博徒袁彥道。拇戰狂呼。曾似元龍。意氣無。豪情無比。我輩江東好男子。醉倚枇杷。傲雪凝香是此花。



倩他彩筆重為西園傳雅集。座有朱熹文善丹青佳話千秋請各題詞在上頭。公皆健卒頃刻蠻箋揮十幅。僕本愁人幾度拈毫句不成。

鳳凰臺上憶吹簫

送觀白之楚

廿四橋頭十三樓畔。扁舟穩載輕裝。恨聚時無幾。別日偏長。莫讀江淹一賦。銷魂句。最斷人腸。君行矣。一身南北。兩鬢星霜。悲涼。渡江風景。看漢水方城。歷盡興亡。憶赤烏霸業。火捲帆檣。年少英雄有幾。須為我。憑弔周郎。怕只剩江流不改。依舊茫茫。

茫

疎影

和曹銀臺舊江月下聞蟬原韻

移撓港口。恰羣聲消息。暗潮生驟。帶露隨風。一片鳴蟬亂簇。數行官柳。聽來總是淒涼調。切莫近關山。斥堠。怕撩他。萬里征人。鉛淚瀉盈刁斗。此際風流。繡虎正隱囊。斜倚閒聽良久。響徹鮫宮。人映冰壺。蟾影光同清晝。蓮花幕下三千士。問誰是王家曇首。看千層夜浪如銀。兩岸疎螢如豆。

齊天樂

再過秦淮

雛鶯啼徧晴光嫩。釀就江南天氣。衫拂蘭莎。鞭籠竹粉。年少劉郎曾至。銷魂此地。有隔水樓臺。綠紗窻裏。髮尚垂髻。橫波暗注。傳心事。而今頓成往蹟。縱梁園依舊。主人非矣。宿恨如煙。新愁似雨。此景分明。還記倚風凝睇。奈門巷條條。總多不是。無限心情。對呢喃燕子。

蝶戀花

自題擁書圖小照

廿載儒冠嗟浪棄。蠻觸蝸爭。總為錢刀計。不及蠹

魚偏解事。還能三食神仙字。點檢故吾無一是。面目堪憎。言語渾無味。小草安能成遠志。每當展卷增慚媿。

七尺頽唐如弱柳。經史尊壘。共結忘年友。疊架琳琅誇二酉。問君腹內曾容否。生計如余偏落後。且飲醇醪。悞我毛錐久。不見咸陽弓槊手。累累金印懸于肘。

四十無成真。藉稌愁鬢添絲。似老非年少。顧影自憐。還自笑。此身只合偕耕釣。磨蠹多情偏獨照。跨鶴屠龍。好境終難到。未若聊從吾所好。縹緲萬

老齋集 卷三  
卷供長嘯

漁家傲

題鬪碁圖應樵雲索

麝月融泉初碾試。虛堂水靜碁聲細。六聚一先閒  
角技。幽人致。橘中大有商山趣。宰地玉獨翻局  
碎。決卿馬口穿牛鼻。勝敗偶然何足計。人間事。紛  
紛蠻觸多如是。

賀新涼

送吳疎林歸里用迦陵詞韻

酌別花陰罅。正炎天盤無兼味。調冰斫鮓。尚憶平

居風雨夕。說劍談書論射。聆君誨。低頭牀下。追跡

虎頭稱絕技。點龍睛。落筆飛騰怕。看四壁。烟雲挂。

晉人風度多瀟灑。每行歌。人人爭道。詩中兼畫。

夏日廣陵濤驟漲。一夜奔騰萬馬。又爭向孤城濺

打。搖蕩扁舟君去矣。看筵前若箇知心者。搔首立。

吾誰藉。

釵頭鳳

秋閨

西風勁。羅衣冷。梧桐幾葉飄金井。除花鈿。拋金釧。  
休題翰墨。漫拈針線。倦倦。人難并。愁還病。朱

顏憔悴羞臨鏡。閒庭院。空留戀。鴛鴦逐對。雙栖水面。羨羨羨。

金菊對芙蓉

重九日雨

濕霧迷空。重陰壓屋。眼前做盡淒涼。早砧催木葉。雁掠橫塘。自憐我亦悲秋客。無聊極。對此茫茫。更何堪。是蕭蕭。浙浙風雨。重陽。每逢佳節難忘。逞年少粗豪。射圃球場。獨而今。情況易斷人腸。閉門自酌。匏尊酒。堪憐處。寂寂秋江。也無人問芙蓉冷。豔橘袖寒香。

水調歌頭

曹文尹自故里來揚

好友何堪隔。惆悵向天涯。自知千里迢遞。兩地一相思。正值煙花三月。恰泛滄波一葉。逸氣動鬚眉。相見各長嘯。執手問新詩。我高歌。君起舞。且休辭。不輕聚首。急須沽酒。莫教遲。陌上紫騮蹀躞。舟底紅裙蕩漾。春色滿隋堤。但得醉君否。不惜典春衣。

聲聲慢

和漱玉詞

秋催敗葉。月送新涼。增人無限淒戚。蕩子天涯。究竟杳無消息。正自幽懷莫遣。更難聽。碁聲四急。向夢裏欲相尋。渺渺關山誰識。盈架牙籤塵積。心緒惡。鬢上翠翹慵摘。羞對嫦娥。悄把綠窗閉。黑盈盈淚珠不止。共堦前竹露碎滴。看眼底是若箇堪與說得。

滿庭芳

吳門喜晤張定侯表兄同舟赴揚欣然作此

雨釀春寒。煙凝花瘦。三春草草今年。輕裝柔櫓。初

放過江船。廿載離情莫寫。人重見。瀟灑如仙。頻狂叫。春衣急典。濁酒亦云賢。江南多勝槩。不輕聚首。且共留連。奈蠻雲疊積。石燕飛旋。乘夜棹舟歸去。千人石。攜手其巔。揚州好。竹西歌吹。猶在暮春前。

中興樂

夏閨用迦陵詞韻

小池曲曲繞迴廊。輕風悄透紗窗。垂柳陰陰。依依粉牆。慢理爐煙茗香。思茫茫。湘簾蕩處。持將團扇。好趁朝涼。

清平樂

江上作

江山如此霸業銷沈矣。今古雄豪能有幾。屈指伯符兄弟。南朝金粉成灰。歌殘玉樹堪悲。風亂隔江蘆葦。依稀一片降旗。

前調

長途屢經風雨。作此自嘲。

君斯遊也。僕僕何為者。日日陰雲垂四野。領受風欺雨打。短衣匹馬衝泥。橫斜草徑偏迷。荒塚路傍無主。吹殘一樹棠梨。

城頭月

壽春道中喜晴

一鞭問取揚州路。休悵春歸去。燕尾翻風鳩聲喚。雨春亦無佳處。試看杲日深林吐。斂盡朝來霧。幾曲溪光四圍山色。歷歷遙堪數。

憶江南

客有問余揚州風景者。因以答之。

揚州好。自古說繁華。錦瑟慢調鸚鵡曲。金鈴低護牡丹芽。春樹萬人家。揚州好。綠柳映紅橋。芳草平堤翻蹀躞。珠簾畫舫。

隱嬌嬈到處酒旗飄

揚州好歌吹竹西亭摩笛吳兒翻別調清飲趙女

譜新聲花底咽流鶯

揚州好誰羨五侯鯖菜滑匙供紫蟹鱠魚膩箸

薦朱櫻春甕逗芳馨

揚州好北里狹斜家繡閣曉寒傾琥珀湘簾夜雨

響琵琶蕩子戀天涯

揚州好出郭徧尋芳羽箭分棚圍射圃香塵圍繞

蹴球場腰鼓說南唐

揚州好帶雪獵西城玉勒飛來嘶劣馬金條掣處

攫騎鷹貂袖染紅腥

揚州好玩器錦為囊蜜色乳爐煨獸炭青花小罐

貯闌香法帖購鍾王

浪淘沙

童子剗西瓜作燈因戲題之

嚼罷水晶寒巧劖爛斑皎如碧海一珠圓料是蒼

龍懷穩睡奪出深淵 膩比綠雲箋好句須鐫趁

他鳳蠟正凝煙持向維摩懸丈室相伴青蓮

河傳

客固陵送春

春去何處留伊不住。遶檻飛花，巡簷落絮。況是客子，他鄉淒淒，易斷腸。閒愁難倩，東風掃啼鶯。老處處迷芳草，秣驪駒，整籃輿。躊躇儂將返舊廬。

南鄉子

秋閨

秋氣入銀屏，斜壓衾窩夢不成。幾陣碧梧枝上雨，聲聲隔箇窗兒，聽得明。素手嬾調箏，舊事迢迢無限情。幾點鳳城樓上鼓，更更對著燈兒，數得清。

蝶戀花

戲題鍾馗嫁妹圖

戲染鵝溪三尺素，艾綬烏巾，態狀多奇古。恠爾連枝何楚楚，鬚鬢老檜依瓊樹。以貌取人遺子羽。問取頭銜，君亦名場侶。山鬼何須充下箸。市朝衮袞都堪脯。天上亦多婚嫁慮。捧劍擔簦，鬼態倉皇趣。弱妹于歸無內顧，飄然好向終南去。容若花枝鬢若霧。羞極含顰，緩展凌波步。何物乘龍消爾許。芙蓉城下脩文侶。

下水船

次曹銀臺雨中憶巴園竹韻



亭院清無暑，綰得薰風小。住更上層樓，歷歷江峰  
可數。多情緒，團就琅玕千片，迸出籜龍飛去。雲  
深處，有文章社主，觸起閒情如縷。曾記年時，揮麈  
烏皮獨據，邀支許，似展管夫人畫。一幅瀟湘煙雨。

惜紅衣

次曹銀臺東渚荷花韻

小步城東參差鴛瓦，萬家鱗屋斜出銀塘。紅衣綻  
肥綠江南雨，潤乍添得波痕新足。佇看沙鷗汀鷺  
向花根穩宿。水芝湖目近，著雲鬟休倚風相觸。  
頰姿銜照如醉，芳樽醖最是露香凝處。宛似華清

初沐好披襟，啜茗掬取嫩涼千斛。

滿江紅

題曹母朱孺人孝德冊

蜿蜒空濛共指是紫陽山色，遙企處地靈鍾秀賢  
媛斯出。拂曉調羹堂上膳，深宵佐讀燈前績。最驚  
人弱臂兩番割，何曾惜。姑頓愈迴天日，夫終逝  
糜心力。看羅襦猶在杜鵑，凝碧有子獸能承母訓。  
吾鄉到處欽遺德，媿從來庸碌總鬚眉。輸巾幗。

前調

題家穎菴兄褒貞集

兄善鼓琴能譯滿語褒貞者悼亡嫂茅  
氏而作也嫂工詩賦吟咏極多將逝之  
前夕悉舉所著作焚之不遺一字

猥佩豬冠驚人狀我我七尺喜吾子翩然脫盡書  
生氣習卷舌能調邊塞語捶琴慣作長安客貯囊  
中幾幅斷腸篇褒貞集 偕伉儷如膠漆思容止  
成今昔恨不留綺語焚書坑筆絲雨濛濛秋澗冷  
暗雲漠漠空山寂譜哀詞字字入冰絃鮫人泣

前調

題吳學先隴歸行樂圖

泌水衡門偕隱處悠然十畝問世上折腰曲膝君  
乎何有羨爾肩鉏閒似鷺笑他肘印蠻如斗恁寧  
馨豈是牧牛兒屠龍手 橫塘下魚堪留疎林外  
橙堪剖較南陽栗里將無同否高士鬚眉渾脫俗  
細君荆布歡相守詠而歸斗酒不須謀藏之久

前調

自題蒲團揮麈圖小照

廿載疎狂笑年少心情不惡誇捷處繞城盤馬升  
牆探鵲畫燭兩行轟博塞花樓竟夜翻絃索任紅  
帚爭勸酒千觴何曾却 陶鑄出神州錯醞釀就

羊公鶴況姿同弱柳朝朝行藥才筆輸他鸚鵡賦  
夢魂不上麒麟閣向蒲團幻作一頭陀誰猜著

念奴嬌

六月十五夜集家叔父園亭聽劉蔣諸生

絃管

槐陰移砌漸火旗捲盡楚天初暮恠底一輪偏皎  
潔此夜恰逢三五素盞調冰并刀斫鱸渴飲雄於  
虎茫茫宇宙且休評論今古笑指座上狂奴龜  
年懷智君等差堪語我頗能聽還善顧唱到銷魂  
休悞響迸珠圓輕憐鶯脆不絕真如縷玉簫風起

空庭糝滿清露

沁園春

紅橋秋泛卽席酬宋奕長

披水紋衫載綠匏樽泛櫂城西恰早趁離晴殘煙  
斂岫纔收宿雨新水平堤座有雄才胸饒逸氣雙  
肘風生落筆奇歌筵上儘拋殘紅豆染徧烏絲  
尊前休咏江離且暫把扁舟柳下維看翠蓋亭亭  
亂鋪螺黛紅英冉冉淡抹胭脂一翦涼颺三分冷  
韻秋意偏於我輩宜揮杯飲問多情楚客莫漫興  
悲

悲 前調

秋夜聽客話隋唐遺事

清酒盈樽。檠燭成行。散髮披衣。喜節齋水靜無煩。  
絲竹狂奴。簪盞有客。雄奇一代興亡。千秋感慨大。  
業繁華漫再提。而今剩剩。刺花名遺觀。國號留堤。  
何堪細數流離。便無數烽煙。葬粉脂。聽清清宛宛。  
江頭夜語。淒淒戚戚。城上烏啼。話到傷心人逢小。  
醉拂袖無言。罷酒卮。褰簾看。看長天似墨。細雨如  
絲。

前調

寄懷姑丈吳伊垣太史

漢水蒼茫。蜀岡邈迤。相去何遙。憶君家丞相。尊人太傅文僖  
公松姿倚杖。時余小子。短髮垂髻。側帽尋香。輕衫  
籠馬。真賞樓頭。泛酒瓢。依稀記。是十餘年事。回首  
迢迢。翩翩鶴立清標。羨池上於今有鳳毛。看疊  
架縹緗。君王賜帙。連篇珠玉。才子揮毫。十里湘  
簾。半城畫舫。月色偏輝。廿四橋。遙相待。待玉堂仙  
客。來聽吹簫。

前調

題柘源業師倚玉閣

閣倚玉蘭一株故名

玉立亭亭。仰而望之。無慙國香。羨彼美人兮。盈懷  
冰雪。登斯樓也。觸目琳琅。露下偏凝。雲留不去。一  
抹空明。最杳茫。凭欄處。正春酣時候。蝶舞花狂。  
傳來好景難忘。便耳熱心飛。憶故鄉。看蔚然一樹。  
幾經盤錯。翼然百尺。幾閱滄桑。萬朵迎風。半窗帶  
月。放眼時時逗冷光。繁華地。歎珠簾畫棟。草沒煙  
荒。

前調

醉後題雉皋女史羅帕

夜如何。其街鼓。鼕鼕。庭院深深。恰衣麝。繽紛壁人

斜倚湘簾。蕩漾粉月。低臨屏當。鴟夷安排。伯雅不  
放狂奴。淺淺斟銀箏。畔縱一聲長嘯。作老龍吟。  
暗中雪鬢。相侵儘。揮却牀頭。買笑金論。近婦飲醇。  
英雄末路。提戈肘印。志士初心。紅袖飄零。青衫潦  
倒。愁濺柔腸。總不禁。相看笑算。茫茫今古。爾我知  
音。

金縷曲

題方南畝蓮花五峰研山

勢欲排空去。看嶽嵒。不盈一掬。奇峰列五。屹立烏  
皮文几上。蒼翠映人眉。嬾恰歷歷層巒。堪數何俟

向平婚嫁畢，跋芒鞋始踏雲煙路。山川勝時相覩，  
幽齋不羨珊瑚樹。有天然玲瓏石丈神，工鬼斧  
大笑入門懷袖出。好伴筆歌墨舞，更贈與驚人奇  
句。不耐世情常白眼，醉摩挲只爾差堪語。呼童子  
奚囊貯。

前調

紙虎

乍見堪驚訝，是何來猙獰額白。爛斑衣赭，醉眼糢  
糊，渾不辨似有風雲叱咤。逞壯志，短衣思射，佈置  
爪牙偏猛利。向花陰鸚鵡籠中，罵端詳久成空話。

年年亂鬧春燈社，弄虛情行藏窺破。兒童嬉耍  
行止，由人牽制定，猶自喬裝身價。翻小覷，木牛流  
馬觸類教余生。浩歎歎紛紛世態，無非假數不盡  
如斯者。

前調

次曹銀臺天池柳下待雨韻

潑刺跳波響望低，迷長條深處悠然。五兩共道使  
君能下士，列座一時英爽都競出。新詞朗晃城上  
黑雲沈，欲雨釀輕涼。偏助吟情長，聊繫權停三槩。  
江山隔岸，何蒼莽逗疎窗，迷濛雪鷺玲瓏翠榜。

老耆集 卷三  
賤子疎狂慙彩筆敢望龍門筵上空佇立平原決  
漉未忍此身埋草土盼三山終結褰裳想休揮却  
非吾黨

摸魚子

閨七小盡西軒夜集和何衢韻

趁針樓兩番風裊露散天香吐早雙扉水靜依城  
下院落羅羅疎小經過少儘門外雕輪不礙窗前  
草新芻大好便銀蠟燒殘玉壺擊碎畫角亂清曉  
沈思處廿載疎狂潦倒乃公事何能了萬卷奇  
書曾著否空使龍鱗松老堪嘲笑偏只把鷺筮麝

帕題花鳥非余懷抱待寄恨天邊埋憂地下採藥  
窮蓬島

前調

漁灣餞送曹銀臺步留別原韻

撼茅亭驚濤萬丈乾坤勝槩如許高懷每愛停官  
舫紅杏裁來新句公何取算只有綠波南浦銷魂  
語迴颿撾鼓望煙樹空濛雲山膠轄旌節擁歸去  
鯁生志媿乏廟廊才具竟日量晴較雨男兒安  
事錢刀者願與硯田爲侶無心住仗東君作主另  
與安排處低徊沙渚待私意遙通牙檣漸遠寂寂

漫無緒

南鄉子

為趙念昔題畫扇時趙將歸長沙  
渺渺大江流入夜疎煙遠岫浮除却柝聲和雁語  
颼颼一片風吟蘆荻秋 天際一孤舟十幅蒲帆  
汗漫游高士拂衣歸去也悠悠買醉留題黃鶴樓

減字木蘭花

為家澤弓題照

圖像作背面  
觀美人鼓琴

冰絃素指一色玲瓏天共水雁落瀟湘合院爭傳  
莊暗香 笑君頻顧曲裏幾曾微有誤嬌面含頰

不怕生生看殺人

眉煙送語應惜指寒休再鼓金粟香濃無數幽情  
待曲終 相君之背有福聽歌還倚翠貪著溫柔  
鸚鵡頻呼不掉頭

虞美人

題紅橋載酒圖送唐聽翁入都

圖乃家  
松門作

城陰徧綰隋家柳爭趁梨花酒玲瓏翠舫蕩紅橋  
一帶煙廊隔水度瓊簫 吾家摩詰神飄灑雅集  
傳圖畫囑君裁取錦囊收還記故人大半臥揚州

菩薩蠻



虎丘

綠煙輕糝波紋織雨餘遙放吳山碧柳影亂如絲  
低垂短簿祠 盈盈柔櫓緩隔水飄歌板薄醉倚  
闌干新愁未易刪

蝶戀花

題偕柳兄擁書小照

縛竹牽蘿存老屋門外青山斜抱澄潭曲梧影蕉  
陰當戶綠幽人竟日書巢宿 得隴世情還望蜀  
大笑披圖君亦非知足四庫五車渾爛熟底須辛  
苦埋頭讀

曾倩長康傳小幅酒庫經堂位置都非俗插架徒  
誇三萬軸膏腴未果便便腹 腸轉車輪顏局促  
太息狂奴那有文章福書卷定歸君所屬吾當退  
舍傾醴醪 余小照亦  
以擁書名

壺中天

秋夜招念昔鈍予名友天綺秋屏自衡斯  
皇滋衡集飲雙梧閣下步秋屏韻

東籬一角亞數枝黃菊幽芳無侶最是名流心賞  
極引入醉鄉深處角裏功名刀頭富貴遮莫人間  
苦傳呼小部騰騰不住腰鼓 座上詞賦雄奇鬚

眉朗爽胸次無城府楚水吳山踪跡遠聊倩一樽  
相聚賤受人嗤狂供世罵肝膽拚披露粉箋半幅  
寫來未盡懷悰

賀新涼

送表弟吳景穆之大同省親

隋苑花如綺控征鞍三湘年少衫黃纒紫迢遞雁  
門連朔漠漭漭桑乾之水有無數殘碑剩壘莫向  
李陵臺上望怕蕭條依舊悲風起箠策奏邊牆底  
衝塵羨爾趨庭鯉看無忌魁然似舅翩翩佳士  
應識青箱君舊物昔日金甌門第更清白家聲未

墜努力長楊須獻賦向帝城走馬春光裏拭目望  
延陵子

前調

送顛道人歸牛首用迦陵詞韻

小聚書巢罇佐清樽充盤豆莢溜匙鯖鮓據座黃  
冠光恠極炯炯雙眸交射爛醉倚枇杷花下閒擬  
玉川歌月蝕任難題險韻何曾怕瓢笠外無牽挂  
不衫不履偏瀟灑染雲煙石竒松瘦都拈入畫  
重問雞鳴山下路無限西風石馬儘黃葉當頭亂  
打擲帽繞牀還大叫笑道人頗似余狂者婆娑舞

影相籍

前調

六月二十日姬人柏氏物故悲鬱無聊因  
詣天寧杏園與唐聽翁劇談聽翁亦有  
慘色其妾朱君恰於去歲此日云亡所  
生年月與柏不爽亦事理之特奇者也  
拭涕填詞卽示聽翁用迦陵詞韻

兀坐僧廬罇餉清齋瓠堪折項魚休抑鮓各訴朝  
雲魂斷處酸迸柔腸如射同稽首獅王座下願得  
生天攜手去免雙雙纖膽泉臺怕錦瑟在塵絲挂

相看熱淚頻頻灑悵無端姮娥歸月真真入畫  
嘗笑黃鬚無賴極忍使紅顏換馬奈冷雨花叢濺  
打禪板爭敲歌楚些我與君一樣情癡者中年後  
將誰籍

滿江紅

東軒落成傷余 訥菴伯父之不及見也  
詞以誌痛兼勉禾書從弟

瓦屋東西共指是機雲棲止更小築康成舊宅數  
弓閒址繞砌祇宜栽竹藥盈牀但擬攤圖史靠東  
牆斜有角門通如姜被 輪奐立淒風起龍蛇歲

賢人萎剩如鉛淚瀉傷心猶子牖戶綢繆悲世父  
箕裘黽勉期難弟彼紛紛豚犬景升兒何堪齒

前調

題楊安城先生補臂圖 并序

先生向急友朋之難同李先生兼汝祁  
先生奕喜遣戍遼左因相與繪出塞一  
圖三人共坐莎草中先生以臂加李先  
生肩後李祁俱歿先生裂圖分畀其子  
而所加之臂亦并剪去臂乃作楚久之  
夫人心悟其故因綴紙畫臂以補之痛

遂止云

袴縛黃皮三高士沙奔蓬轉歎萬里玉關生入封  
侯非願儔侶頓如秋草墮畫圖還識春風面把吳  
綾裂付兩家孤并州剪 金蘭誼真無忝絕交論  
今其免作彩雲飛去書生弱腕卷軸蕭然憐斷續  
粉痕綴處愁深淺羨閨中功巧比媧皇欺盧扁

前調

五人墓

保姆闍奴密布就羅鉗吉網歎濟濟東林諸彥甘  
心刀杖卿相死生懸駕帖朝廷功罪由東廠驀一

時公憤出屠沽吳兒莽 奮臂起無回想捐身殉  
非邀賞彼乾兒義子權門稽顙慷慨成名留宇宙  
聯翩含笑歸泉壤聽半塘橋畔吼英風松濤響

珍珠簾

題聽翁帶花詞

黃梅雨過蒸堦草竹影茶煙共颺一卷帶花詞頓  
開人懷抱爽勝哀梨清似玉是殘月暗香風調嘲  
笑却干卿何事閒情嫋嫋 堪羨家學淵源更聯  
翩雁翼機雲雙妙雞黍接高軒恍玉山相照動足  
下牀踰萬里歎歲歲風塵席帽吟嘯便天若多情

天應易老

前調

謝聽翁見贈箋扇兼送北行再用前韻

綵毫合起明光草歌扇舞裙閒騶野鶴擬風標又  
冰清襟抱臣本江東屠釣侶荷雅誼拉余同調貽  
笑似秋亭蛙聒香叢蜂嫋 自此揚播仁風每珍  
諸懷袖把君墨妙蓬華喜生輝更琳瑯四照時承賜  
和佳詞  
書箋扇  
見示才子連鑣歸上苑策珊瑚花枝拂帽孤嘯刺  
潦倒如余江湖空老

念奴嬌

送吳作山遊黃山

春風旬線徧竹西亭下鶯啼紅樹十里珠簾搖畫  
舫儘足留君小住屏當棕鞵安排藤杖花裏匆匆  
去掉頭一笑吾鄉大有佳處此日丹鼎臺前木  
蓮花放不減蓬壺趣三十六峰煙月底劃壁定多  
新句我作歸裝欲乘秋水一問桐江渡山中猿鶴  
君先為我傳語

金縷曲

金陵懷古

踏徧長干路趁東風銅街溼透廉纖細雨却憶永

嘉多恨事滿座殷劉支許消白晝清談揮塵一霎  
烏衣門巷改便重來燕子無尋處疎簾外語聲絮  
江波不斷蛟龍舞更堪憐南朝遺豔煙花舊主  
縹緲臨春飛傑閣壁月光流瓊樹生怕殺將軍擒  
虎幾陣寒鴉翻夕照是盈盈桃葉當年渡無情水  
只東去

蝶戀花

贈吳秋屏

雨歇鍾山山染黛蘿屋松扉斜傍雞鳴埭時有幽  
禽鳴戶外披帷方識人斯在四庫五車攤腹曬

老菴集 卷三  
減字偷聲落筆騰光恠殘月曉風婀娜態當歌我  
願為君拜

滿江紅

送巴桐友表兄之蓼城

行矣巴生歎世事白衣蒼狗正臘底一肩蓋篋匆  
匆分手寒水咽殘簫市月霜風吹斷隋堤柳願無  
忘落日故人情匏樽酒 書中困成迂叟車中閉  
如新婦笑窮年矻矻一經株守碌碌驚才安挂齒  
累累斗印偏懸肘聽中宵匣劍劃然鳴蛟龍吼

青玉案

四月三日顧種紙邀集平山送春因雨不  
果余亦以事阻淮陰未赴歸和其韻

送春爭寫留春句似把袂情人語便付紅兒歌莫  
住鶯鶯燕燕風風雨雨亂攪香泥絮 蒼涼野浦  
名公路閒指遠帆天際數翻笑聽鶻癡杜甫低頭  
縱拜長啼不顧只是催春去

桂殿秋

為荆門方止山題折桂圖

雲外影月中枝紫鸞雙下寧馨兒霏微金粟依蘭  
室馥郁天香集鳳池

浪淘沙  
為衡三題扇面江景  
一派大江東  
淼淼孤篷  
蘆花千里  
月明中  
帆作餓  
鴟  
天外叫  
碎劃秋空  
翻笑擁  
艤艫  
夜火雲  
紅賦  
詩橫槊  
儘英雄  
未若悠然  
隨一葉  
破浪乘風

淒涼犯

六月二十日聽翁伏枕感悼填詞淒楚余  
與之有同憾也倚聲和之

膽瓶斜注  
踈窗罅  
蓮衣簌簌  
紅隕神傷  
此際回頭  
似夢風香  
露粉柔腸  
暗忍待略  
寫眉峰  
淺暈最難

禁愁絲萬丈  
兔管祇三寸  
誰料君家  
燕一樣淒  
涼  
楓根飛燐  
天荒地老  
算絲絲此  
恨難盡  
病骨伶  
俜  
把客底沈  
腰細認  
怕西風又  
催落葉  
送冷信

清平樂

題德清蔡雙瞻孝廉歸耕圖

架書連屋  
解事兒能  
讀好趁一  
犁春雨  
足耕破數  
行煙玉  
處身管樂  
之間長吟  
抱膝悠然  
我獨為  
君捉鼻  
東山未許  
高眠

浣溪沙

題雙魚畫扇應念昔索



老耆集 卷三  
卯色光浮玳瑁天雙魚啞喋浪花圓近硃近墨總  
悠然 還記摩訶池上見小妝斜倚畫欄邊玉纖  
投餌晚風前

滿江紅

題姚後陶先生比丘遺照即用其原題聽  
翁帶花行者圖韻

鶴髮聊蕭曾相遇石頭城下任往日翩翩同學五  
陵衣馬老態復從圖畫出壯心總付袈裟挂勝青  
衫捐操對秋風年年打 滄桑變成閒話江山淚  
如鉛瀉每邀君青眼曹劉沈謝自是比丘無我相

可如太上忘情者莫因他天女散花來閒愁惹

綺羅香

賀白沙村納姬吳門和聽翁韻

玳瑁函邊琉璃硯左爭勸合歡雙鬢第一溫柔應  
是影娥仙品欹盞葉鳳髻初安顫矚瑜鸞鞞未穩  
笑從今翰墨添香簪花小格書唐韻 偷向燈前  
細認曾說堪餐秀色而今方信輕脆難音家住館  
娃宮近凝玉骨小怯羅衣淡蛾眉最嫌脂粉頻寄  
語大婦猶憐怕傳來未准

沁園春

題宣城佟青士太守南樓圖卷

誰染生綃傑閣凌空翩乎欲仙況明鏡雙溶爲春  
穀水黛螺千點是敬亭山簾几蕭疎絃歌彬雅橘  
柚梧桐繞碧欄當窗見見江城歷歷畫裏荆關  
天然粉本清妍鎮退食登臨拄頰看更班馬雄才  
玻璃貯硯應劉上客芍藥名篇百雉爲屏萬松作  
籟露警清宵鶴影閒他年話話南樓佳興庾謝之  
間

留春令

阻雨野泊

秋江冷雁孤舟野戍昏燈夜雨斷岸蕭蕭少人行  
濁酒也無沽處 敗葦殘蘆風亂舞攪客情無緒  
暗數他一色淒涼只欠箇寒猿語

花樓彩雉歌樓翠管倡樓錦帳簷溜瑋琮徹清宵  
把鑿落何曾放 慣趁陰雲移畫舫賞碧磯新漲  
誰信心情爲雨愁似此夜吳江上

玉人歌

西湖清漣寺池下五色魚凡千頭內一種  
翠藍者最可愛次竹垞詞原韻

蘋花白映一鏡玻璃參差凝碧粉旂香餌紅袖爭

拋擲跳珠濺溼湘裙透也那曾憐惜訝鬢上盃葉  
翹冠遜他嬌色 此際渡江客正鐘散辭僧伊蒲  
罷食負手巡廊瞥見翻潛匿黛眉乍感無人處悄  
露微聲息恨纖鱗引起客愁千尺

清平樂

連朝苦遭風雨至京口渡江作

維舟且住剪幅鴛溪素海嶽菴中尋米虎是鐵甕  
城東路 倩他濃滌麋丸不須吮粉調丹染就風  
風雨雨江南一派闌珊

踏莎行

阻風吳門

欄綰金鈴帳垂銀蒜當年醉譜香詞徧泰娘絃索  
膽娘歌墨花裙子桃花扇 雨逼燈孤病侵人嬾  
而今夢斷蓬山遠江南有甚好風光孟婆定要吹  
船轉

滿江紅

岳忠武王墓

雪窖冰天歎宋室塵蒙二帝便南渡中興有玉山  
河剩幾怒髮衝冠今古恨繡旗晃日精忠字笑金  
人望見岳家軍紛紛潰 師中詔頒何意君與相

雙忘矣把黃龍事業功虧一篲泉路八千雲月慘  
爰書三字長城圯撼江潮萬丈捲錢塘英雄淚

蘇幕遮

汗衫

薜為衣珠作網輕軟清涼恰襯冰肌爽一握龍綃  
剛半兩羽扇披來雪裏王恭擎 感銀鱗攢素浪  
冷玉芙蓉風透無聲響並立摩訶池子上小亞香  
肩幾縷紅潮漲

踏莎行

蒲鞵

足下微涼溪頭小掇笑他筵上珍珠纈編來弱草  
最玲瓏踵當納處何妨決 刺線停功抽條頻疊  
北窗散髮多疎脫紗櫺蕩漾碧無塵偏伊也並紅  
幫列

似娘兒

竹夫人

玉骨瘦支牀趁空明暗遞輕涼氤氳香鴨相偎倚  
心含冰雪情通巫峽夢繞瀟湘 朱夏羨專房奏  
南薰夜夜君王膨亨角枕休攪渾風情婢子羞持  
舉止偷學端莊

解佩令

篋簞

滑如玉潤凝如水淨展琉璃不放珍珠迸月露風  
絲小沁起微酣人醒顫盈盈半庭花影收來一  
軸舒來六尺拂牙牀舊情重省門闔葳蕤正人靜  
昏鴉盡暝展桃笙幾回潛等

東風齊著力

葵扇

素影團團芳姿嫋嫋做盡輕揚梧桐有意一葉墜  
銀床不比觚稜殿闕昭容引紫袖宮妝徘徊處朦

隴樹色隱盡昭陽 柳外小煙廊闌干曲疎楞海  
素籠窗銅鋪拍響悄語喚蕭娘今日松枝作塵相  
揮著伴我清狂追思徧秋風影裏此事難忘

高陽臺

籐枕

菡萏池邊豆花棚下蝦鬚隨意縱橫凹面珊瑚風  
標遜爾輕盈臉波慣度香脂潤伴溫柔絮徧鶯聲  
醉初醒軟語喁喁最不分明 峻嶒想老藤靈壽  
正雲穿石裂蛟走龍騰嘯臥空山睡鄉何事干卿  
昆刀縷出銀絲細倩鮫人織就湘紋笑玲竈栩栩

翩翩賺殺莊生

暗香

葛巾

人微中酒恰荷風清處蘭湯浴後白紵紅綃塵徧  
 盤龍裊花繡獨愛空明素葛抵多少哀梨爽口穩  
 貼著玉骨冰肌防定粉珠透 消瘦冷露逗絕不  
 似萋萋刈獲時候湘波綠皺不見彈碁渲衫袖欲  
 倩纖纖作屨又則怕霜寒糾糾問甚日待粉帛換  
 他離手

秋霽

東坡君

影帶瀟湘似繡閣移春一樣君幄喜雨亭前枕柳  
 菴裏遺得風流卓犖清姿濯濯北窗熟客爭偷著  
 莫誤認一捻纖弓羞態欲遮却 歎息昔日學士  
 滿腔不合時宜倩爾牢縛媿如今顏唐醜貌絺衣  
 相伴人寥落日暮科頭雙赤脚獨向竹下拖來捫  
 腹逍遙晚風揭起任他輕薄

滿江紅

雙村席上贈陳生用迦陵為陳郎書扇頭

韻

自哂蕪詞非秦七又非黃九空傳徧錦堂風月春  
江花酒倒甕醉余湖海客調絃愛爾箏琶手恁清  
歌欲覓向人間何曾有 蓮漏促敲還又玉山映  
明還秀似當年張緒風流依舊 生為曲師張端文弟子 鳳管淒  
清逢入破鸞鏡摘取頻搔首笑看余揜袖舞黃塵  
郎當醜

踏莎行

荷葉

曲檻依依橫波瀾瀾銀塘早逗清涼味飄搖萬點  
碧玻璃秧針柳線同鋪翠 鏡縮團團幢懸隊隊

文鴛乳鴨參差睡微風輕蕩露華濃玉盤亂瀉珍  
珠碎

拍闌干

前題

風廊幽靚碧水明如鏡絲柳曲闌相掩映玉蓋亭  
亭一片清涼影綠雲搖曳扶難定做盡輕狂恰似  
郎情性 曉鬟撩亂無心整斜抱銀瓶頻促移花  
艇涓涓露溼羅衣冷掬取珠泉好約鄰娃鬪茗

沁園春

送唐聽翁歸毘陵

執手河干行矣王孫黯然神傷歎倚馬才華墨磨  
盾鼻屠龍意氣玉映冰腸飄泊雙孤夢魂千里却

認并州是故鄉

君與令弟少羈京邸遂隸籍大興

家聲在有毘陵舊業

四世青箱

當年賦獻長楊奈飢朔終朝索米忙

君嘗一試一統史館未遇

歷燕南趙北風欺雨打吳頭楚尾浪駭

波狂楊柳紅橋琵琶明月博得春風醉幾場斜陽

外祇一肩行李滿目冰霜

在昔爭傳跨鶴揚州此日都非笑敝篋堪憐劍空

存缺故人有幾袍竟無緜躡雪西華渡江叔寶亂

迸霜花上鬢絲江東產有葫蘆長柄種定須攜

仰天大笑奚疑算自古才人遇合稀剩酒痕濕透  
青衫落落歌場拋徧紅豆離離筋骨空衰姓名未  
變牛馬相呼總莫辭相憐處悔未將鉛粉傳上鬢  
眉

賣花聲

送春

春去太匆匆綠徧芳叢游絲依舊裊長空滿地落  
紅吹不醒空怨東風 繡轂玉花驄覓處無踪小  
樓疎雨溼簾櫳芳草王孫無限意杜宇聲中

虞美人



閨情

秦箏斜倚銀屏曲  
義甲籠纖玉  
參差金雁十三行  
恰似濛濛疎影度  
瀟湘  
傷心亭下芙蓉渡  
催送  
蘭橈去  
東流幽咽不堪聽  
不道一江春水最無情

醉花陰

前題

檻外櫻桃花一樹  
簾幕低垂處  
幾陣落花風  
庭院無人只有鸚哥語  
重重畫閣凝香霧  
寶鼎沈煙  
炷何處斷腸聲  
一曲瑤簫偷得霓裳譜

踏莎行

冬閨

夢妾巫山雲迷楚岫  
綠熊軟襯文茵厚  
起來紅日上簾櫳  
膽瓶一綫寒香透  
篆繞爐温  
釵橫玉瘦  
慵呵纖指拈針繡  
空堦觸響小銀鈴  
翠禽偷啄相思豆

秦樓月

春暮

東風弱亂紅飛  
眉鞦韆索鞦韆索  
朦朧月影深沉  
院落  
心情最怕人猜著  
攪人燕子穿簾幙  
穿簾幙花陰調舌  
黃鸝輕薄

醉春風

豔情

心許佯迴頸眉語偷窺鏡一生揅得在今宵幸幸  
幸殘月低迷晚風輕蕩籠鸚睡暝 曲折潛花影  
依約尋芳徑鳳城樓上已三更聽聽聽金剪還鳴  
翹冠初摘蘭缸未冥

賣花聲

憶舊

絲柳一行斜柳外人家幾楞映水碧窗紗半倚窻  
兒舒素手彈著琵琶 一霎暮雲遮咫尺天涯舊

時鸚鵡嬾呼茶拍徧畫欄人不見滿地桃花

清平樂

題汪木餅水邨小照和蠲齋韻

龍蟠鳳逸文散瑤星白未必觚稜終間隔聊寫水  
邨暇日 花枝照眼紅斜倩他煙笠輕遮休認滄  
浪漁父分明潭水桃花

鵲踏花翻

午日觀劇同海樵禾弟賦

榴簇紅巾蒲抽綠劍雲鬟低顫釵符小還將半捻  
輕綃一寸香羅砂囊麝虎安排巧女兒節候最關

情狂奴心性猶年少  
買笑喚取龜年賀老舞衫  
紈扇清歌繞怕向翠影簾前桐花一樹夢裡閒情  
攪畫堂纔徹斷腸聲蠻箋早定銷魂稿

百花時

茉莉

鮫珠顆顆明如雪  
晚露融開一叢蝴蝶憐伊風韻  
自清涼當年偏喚小南強  
花枝素手都無別碧  
玉欄邊含笑盈盈折串成銀蒜  
一般圓賺郎低押  
鳳幃前

氏州第一

憎蚊

何自而來乘夜嘯聚炎威爲爾增酷飽沁櫻桃饑  
颺柳絮偏詡形容非俗噬嗑渾無忌到處朱門梁  
肉七尺之軀五步之內果君之腹  
最是冰肌初  
罷浴悄不覺一星紅粟爪試麻姑眉顰西子徒遍  
屏山曲急取此獠撲殺揮羽扇飈師追逐掃盪乾  
坤讓先生睡鄉清談

前調

蚊對

羣喙如雷敬謝不敏先生盛怒何意麾扇渡頭蠻

煙江上屢欲置臣於死入幕叨賓列莫訝深宵常  
侍餓則依人飽而颺去是何堪齒口腹累君寧  
損幾豈狼虎垂涎睥睨螳怒迴車蠡窺測海微裔  
休輕棄倘君憐而餉我願肝腦為君塗地請竟捐  
軀效千秋露筋高誼

庭院深深

賦得輕羅小扇撲流螢

抹麗香濃湘簟滑閒情生怕人窺流螢低度苑墻  
西頻來枕上故意弄輝輝手握合歡團扇打朦  
朧星影參差乍前還却逐高低花陰深處暗露濕

羅衣

菩薩蠻

新月

水晶庭院清無暑博山靜裊沉煙縷卷幙晚風柔  
飄來玉一鈎碧桐花影外笑向嫦娥拜遮莫有  
張郎蛾眉畫許長

南鄉子

自題白團扇

瘦影玉為胎璧月流光入素懷展取郊溪籐一幅  
安排不用齊紈費剪裁對客縱恢諧却月團雲

莫浪猜昨夜麻姑鵬背上  
毳毼折得羅浮蝶翅來

金縷曲

秦淮漁唱

桃葉青溪渡綠低迷夾堤絲柳陰陰深處恰襯葡萄  
荀新漲滿花落亂紅如雨堪羨殺滄浪漁父幾葉  
釣船閒不繫縱一聲欸乃煙中度觸沙鳥飛還住  
無情浪捲前朝去怕重提飄零金粉凋殘玉樹  
銅斗敲來聲斷續攪入隔江商女遙唱著一般幽  
訴那管有人疎檻外倚風前暗聽增淒楚雙袖溼  
渾無語

摸魚子

過韓園舊址

繞隋堤參差覆水鬢鬢老樹如畫停橈再覓曾游  
處幾簇頽垣荒榭殘照下空剩有亂紅零落鞦韆  
架兔葵盈把聽白髮園丁籬邊絮語還說舊時話  
繁華事多少紅媽紫姹舞衫飄遍蘭麝吹笙人  
去歌聲歇都付水流花謝偷小暇願從此追歡莫  
惜千金價哀絃彈罷儘今古興亡江山遺恨難盡  
粉箋寫

佳人醉

本意

飛起一九金餅散遍滿庭花影正露清風靜香奩  
小酌別有幽興蕉葉頻催故急早玉山頽處扶難  
定翹冠代摘低問而今迢迢良夜好事還須肯  
呼香茗雙鬟不應笑匿屏山暗聽

玉漏遲

自鳴鐘

雕題傳異製鬻帆揚處鯨波飄到方匱藏機無數  
輓轡環繞十二時中消息每傳送清音嫋嫋分銖  
秒輪迴日月包羅非小儘有銀箭金壺便滴盡

深宵希聞晝報圭測竿量更怕陽烏渴倒偏是泰  
西一器總無間陰晴昏曉須知道好共及時行樂

珍珠簾

王蘧莊妹丈招集篠園余以事不克赴

緣堤裊遍菰蒲影搖漾一湖明鏡幾處結僧廬散  
經幡煙磬十萬琅玕垂鳳羽嵌老樹楓香繡瘦清  
韻是小阮園亭讀書幽境恰趁新水拖藍有素  
心招東閒移花艇羽扇水紋衫對爐香杯茗不識  
狂奴偏負約尚剩燭闌題相等須省念僕本愁人  
孤雲無定

老耆集 卷三  
滿庭芳

病中苦雨賦答海樵用原韻

密密疎疎聲陣陣那堪風雨蕪城清宵滴瀝攬  
亂戍樓更繞屋扶疎沾遍休還問翠綆銅瓶無聊  
賴如鷗似鷺瑟縮卧沙汀 輕盈浮一葉隋家堤  
上新水方生柰病侵人懶別樣心情拋却鶯花舊  
侶蓬山夢斷續難成離晴後桐陰拂簟聊共理殘  
枰

小重山

秋閨

別院深深第幾重天香雲外泛逗簾櫳不禁秋處  
畫橋東銀塘下露粉墜殘紅 鬢髻半瓏鬆黛眉  
曾舊日鬪遙峯一聲嘹唳月明中孤鴻影偏不怕  
西風

唐多令

瓶中早桂

砌葉恰初吹天香逗一絲擘紅綿檢出軍持旋汲  
中泠閨作供杯綠蟻几烏皮 月底影相宜風前  
嫩不支料姮娥含笑相窺笑我廿年花下客空折  
賞出輪枝

鳳凰臺上憶吹簫

秋曉

殘暑剛收嫩涼新引宵來玉漏初長恰人微中酒  
早試羅裳糝落一天爽氣含曦影窈窕遍筠廊盈幽  
砌海棠紅透清露灑灑淒涼空閨不寐剩零砧  
碎杵亂攪人腸頓驚飛宿雁總不成行欲續尋秋  
舊夢中年後好境都忘星星髮慵拈鏡理羞對花  
黃

憶餘杭

和禾書從弟題畫虎阜景冊三幀原韻

斟酌橋西芳草路可憐無限銷魂處綠楊低蘸綠  
波平紅袖笑相迎臨風莫結捫蘿想煙樹樓臺  
都在望宛然吳國舊山川少箇採蓮船  
生公歸去臺空在羅綺聯成香粉界中年我亦儘  
忘情歷歷尚分明彩毫幅幅傳神異那用裹糧  
行百里山當繡闥不須排畫裡送青來

一萼紅

雲陽舟中為張衡三題夢香圖行樂卷子  
拂烏皮展金題錦贖一卷夢香圖碧海瑤天瓊樓  
玉宇恍然身歷蓬壺邂逅見雲鬟霧鬢姿綽約冰



雪瑩肌膚是耶非耶休猜素女莫認黃姑 應是  
三生俊侶解龍文鳳篆心印情符桂比氤氳蘭同  
馥郁聯成小字相呼都不道曉風殘月曹騰處似  
有還無一任紛紛逐臭暗裏胡盧

念奴嬌

鶴和堂賞西府海棠用泝江小阮韻

粉垣低亞有窺窗一樹絳雲垂纈裊裊東風扶欲  
睡生就十分嬌怯翠羽明璫含煙凝露緩遍梨渦  
頰花光不夜直須畫燭齊滅 似有鳳管吹開春  
陰散淨襯出玲瓏月踞座淋漓傾墨潘不讓練裙  
留白放盡顛狂揮殘杯炙肯悞花時節花應含笑  
笑我幾星星髮

城頭月

送高崢之楚用泝江原韻

吳頭楚尾波千折無數雲帆疊遠岫排青驚濤颭  
雪放眼乾坤濶 伯符公瑾都磨滅還剩當時月  
不管興亡偏依江渚祇照人離別

虞美人

舟過吳閶

杏花疎雨春城暗小勒東風颭鶉鴉啼急水萍香

早趁數聲柔櫓到山塘  
畫欄淺逗玲瓏榻  
鸚鵡呼香粒玉簫颺起篆煙斜  
好記小紅橋外第三家  
賀新涼

登吳山

霧歛朝曦赭  
但籃輿銅街簇處湧金門  
罅拾級盤旋臨絕巘  
俯瞰錢塘奔瀉怒濤捲蛟鼉  
呼咤握髮婆留無賴劇逞粗豪  
萬弩迎潮射傳流事將無假  
間闖十萬籠鴛瓦更參差琳宮紺宇風亭月榭  
遙想夢華南渡日最是完顏堪罵  
空痴望揚鞭立馬屈指雄豪  
寧有幾恁紛紛豎子圖王霸  
今古恨

漁樵話

摸魚兒

偕表兄定侯內兄孚吉及平階楚懷兩壻

重泛西湖

剪春江東風一葉吹到舊銷魂  
處麴塵輕颺紅香暖  
姹柳嬌花無數鶯弄語恰正為新粧  
西子添眉嫵招携勝侶  
趁帽影釵痕碧車細馬隨處迷歌舞  
當年事低問鑪頭小婦認否劉郎前度  
輕狂遭罵還招笑笑我鬢絲非故聊小住  
便醉裏尋芳莫問西泠路  
閒情縷縷向放鶴亭邊孤山石覓我

留題句

西江月

醉登燕子磯作

如此江山風月儘堪把酒持螯黃花休笑客粗豪  
慣向煙雲嘯傲好倩馮夷擊鼓還招龍女吹簫  
倚天大笑一揮毫不作清平小調

揚州慢

送張權與表姪歸里用從弟禾書原韻

梅雨蒸衣荷風亞戶逼來一棧新涼論維揚花月  
此際最難忘好消受銀箏翠管紅橋碧浪爭引牙

檣倚紅兒笑語溫柔定屬儂鄉樽前客去訝恁  
息襍被攜將似一夢煙花三生惆悵小杜清狂此  
去瓜塍豆架銷閒話甕潑鵝黃有新詞寄否奚囊  
莫便深藏

喝火令

江聖友同客吳陵治酒招遊俞氏舊園亭  
曲檻籠春燕平堤散玉驄兩行粉黛鬪香風中擁  
碧瞳綠髮一仙翁黃鶴乘歸去霓裳奏已終藕  
花飄亂夕陽中可似狂奴筵上醉顏濃可似當年  
樓下一片舞衣紅



若菴集卷第二

